

ROGAZIONI FRANCESIS

La filmografie di Christiane Rorato, regjiste e atore francese cun lidris a Rivignan (Udin), si è insiorade di un'altre opare sul Friûl.

Daspò di vê ideât, intrepertât e direzût il documentari trilengâl (furlan, francês, talian) "Vuerfirs de gnot, su lis olmis dai Benandants" ("Centri expressions cinematografichis" di Udin e "Prélude Média" di Paris, 2003), Christiane Rorato e à curât il cine "I Cantori di Cercivento e la IX Rogazione della Pieve di Gorto". L'opare e je saltade fûr chest an in grazie de ministrazion comunâl dal país cjargnel e e à vût i jutoris de Provincie di

Udin e de Regjon e la colaborazion de Plêf di San Martin. La Rorato e à documentât la tradizional Rogazion des Glesis dal Cjanâl di Guart che ogni an e ven ripetude intun país de valade dal Dean, di Sapade/Plodn fin Davâr, comprendût Çurçuvint che, aneje se gjeografichementri nol jentre tal istès teritori, gleseastichementri al è stât leât par agns e agnorums a la Plêf di Sante Marie di Guart, prime di jessi stralozât te

Foranie di Paluce e po di San Pieri. Te Rogazion dai 9 di Mai dal 2004, proferide tal documentari de Rorato, une part speciâl le à vude l'Onorande compagnie dai cjantôrs di Çurçuvint, ch'e ten cont cun passion e cun competence l'antîc patrimoni dal cjant corâl liturgjic di tradizion orâl de Plêf di San Martin (spie il numar 367 dal "nota cd book" dal editôr Valter Colle, www.etnostudi.it). Il cine "I Cantori di Cercivento e la IX Rogazione della Pieve di Gorto" al à par editôr "Aum Editions" di Nîmes (aum.editions@wanadoo.fr).



L'Onoranda Compagnia dei Cantori" de Plêf di Çurçuvint, ai 31 di Decembar dal La storie de corâl e je contade tal numar 367 dai "nota cd book". (www.etnostudi.it)